



Inatsisartunut ilaasortaq  
Jess Svane,  
Siumut

**Kinguaassiuutitigut atornerluisarneq pillugu § 37 naapertorlugu nr. 2018-001  
apeqqutinnut akissutit**

Asasara Jess Svane

Kinguaassiuutitigut atornerluisarnerit pillugit apeqqutinnut qujanaq.

**1. Piffinni arlaqartuni kinguaassiuutitigut atornerluisarsimanerup kinguneri  
atugarliuutaasullu qanoq annertutigisumik malinnaavigineqarpat?**

Isumaginninnermut aqutsisoqarfiup nuna tamakkerlugu sullissiviata Saaffiup kinguaassiuutitigut atornerluineri sulianik sullissinissamik najukkani ineriartortitsineri kommunit ikiortarpai kiisalu suliani aalajangersimasuni siunnersuisarlutillu ilitsersuisarput. Saaffik kommuninit tamanit paasissutissanik aallersimavoq piffissamilu 2011-2017-imi meeqqanut inuusuttunullu kinguaassiuutitigut atornerluinermut suliat katillugit 292-it nalunaarsorsimallugit.

Inuit ataasiakkaat kinguaassiuutitigut atornerlunneqarsimasut sivisuumik kingunipilutsitsisarnerat pillugu aaqqissuussamik nuna tamakkerlugu misissuinerik ullumikkut peqanngilaq. Tamatumali ilisimatusarfigineqarneranit erserpoq nalinginnaasumik eqqorneqartumut, qanigisaasunut inuiaqatigiinnullu ataatsimut isigalugu kinguaassiuutitigut atornerlunneqarsimaneq ajornartorsiutaasoq ilungersunartoq. Taamaalilluni kinguaassiuutitigut atornerlunneqarsimasuuneq malunnaatilimmik katsorsarneqarsinnaanngitsumik nappaateqartut, nammineq peqqissuunngitsutut nalilittut kiisalu tarnikkut nappaateqartutut imminut nalilernermik ilaqartinneqartarpoq. Kalaallit Nunaanni ilisimatusarnermit assersuutigalugu tikkuarneqarpoq meeraq kinguaassiuutitigut atornerlunneqarsimagaangat ilaqutariinni imminut toqunnissaq atugaanerusartoq.

Innuttaasut peqqissusaannik misissuineq kingulleq 2014-imeersoq malillugu innuttaasut peqqissusaannik misissuineri peqataasut 66%-tii meeraaffimmini imigassartorfiusumi imaluunniit persuttaavusartumi peroriartorsimapput, imaluunniit kinguaassiuutitigut atornerlugaanermik nalaataqartarsimasuullutik. Innuttaasut peqqissusaannik misissuinerup naqissuserpaa ajornartorsiorfiusumi angerarsimaffeqluni peroriartorneq imminoornissamik eqqarsaateqarnermut tarnikkullu sanngiitsuunermut atasoq.

09-01-2018  
Sags nr. 2018 - 548  
Akt. id. 7014134  
Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: iniian@nanoq.gl  
www.naalakkersuisut.gl

## **2. Pisup ajorluinnartup qaangerniarnerani pineqartut qaangiiniarneranni ilaqutariit ataatsimoortillugit "katsorsarneqarsinnaanerit" siunertaralugu iliuusissanik pilersaarusiortoqarnerluni?**

Isumaginninnermut aqutsisoqarfik 2015-imili katsorsaallutik angaqatigiittartunik meeqqanik inuussuttunillu kinguaassiutitigut atonerlunneqarsimasunik katsorsaajartortitsisarpaq. Isumaginninnermut aqutsisoqarfik 2015-ip aallartinnerata kingorna illoqarfinni arfinilinniissimavoq. Katsorsaaneq tassaasimavoq tarnip pissusaanik ilisimasalimmik imaluunniit eqqarsartaatsimik sungiusaasumik (psykoterapeut) sularineqartarluni inunnik ataasiakkaanik oqaloqatiginninneq. Katsorsaaneermik sulinermit ilaqutariit peqataatinneqartarput.

Naalakkersuisut eqqumaffigaat suliassaqarfimmi tassani suliniutit katsorsaaneerillu nukittorsarneqartariaqartut, taamaammallu siunertamut naapertuunnerusumik qanoq suliaqartoqarnissaa pillugu misissuinermit aallartitsisimallutik. Kinguaassiutitigut atonerluinerup ajornartorsiutaanerata immikkuullarissutut isiginiannnginnissaata pingaaruteqassusia Naalakkersuisut ilisimaaraat, akerlianilli inooqatigiinnermut inuiaqatigiinnullu ataqatigiissillugu isiginiarneqartariaqartutut isigalugu, tamannalu inissisimaffinni assigiinngitsuni peqataasunit assigiinngitsunit iliuuseqarnissamik piumasaqaateqarfiuvoq. Naalakkersuisut suliuniutinik ataatsimoortunik tamanut isiginnittunik suliaqarneq piareersarpaat, suliassaqarfimmi tassani kinguaassiutitigut atonerlunneqarsimasunut sullinniakkanut tamanut ataatsimut isiginnittumik nutaanillu neqerooruteqarsinnaanissaq kiisalu ilaqutariinnik attavinnillu peqataatitsinissap ukkataqarineqarnissaa pingaartillugu eqqarsaatigineqarluni.

Inussiarnersumik inuulluaqqusillunga  
Med venlig hilsen



Sara Olsvig

Isumaginninnermut, Ilaqutariinnermut, Naligiissitaanermut Inatsisinillu Atuutsitsinermut  
Naalakkersuisoq